

## Өсджэх билг-эрдм

Элстин культури Герин терз шамин герлэр солнътрна. Гер дотрас домбрин, аккордеона, хальмг болн орс дуудин айс сонъсгдна. Биичнр „Чичрдг“ гидг хальмг, „Барыня“ гидг орс би селн биилджәнә.

Эн художественн самодеятельность концерт үзүлхәр белдвр кеджәнә.

Багъчудт чикәр дуулдг, сәәнәр биилдг дасгъхин кергт ик гидгәр ухан-седклән Өгч, теднә гардач Фаина Михайловна Лунева көдлджәнә.

Эн художественн коллектив концерт үзүлсн цагт, хәлә-цхәсн әмтс „Дөрвәд“, „Чичрдг“, „Ишкмндг“ гидг биисиг, „Подснежник“ гидг орс дууг, „Осенние листья“ гидг Ив Монтана дуулдг албанск дууг Юрий Соболев дуулхла ик ханлт өргдж, удан альх ташлдна. Александр Надбитов „Лаган“ гидг дууг йир сәәнәр дуулна. „Төгрәш“, „Нүүдлә“

гидг лирическ дуудиг Бадмаева Евдокия йир айстагъар дуулна.

Ленинә, партин, комсомолн туск дуудиг хальмг национальн хор ончта кевәр дуулна, Юлия Перова, Юлия Пулло хойр шүлгүд сәәнәр умшна.

Эн художественн самодеятельность 1957 джилин эргцд 30 гар концерт олт-әмтнд үзүлв. Тедн Ленинә нертә, Сталинә нертә, „Победа“, „Страна Советов“ колхозмудт, „Буратинский“ совхозд, „15 лет ВЛКСМ“ гидг санаторд оддж концерт үзүлв.

Өдгә цагт эн коллектив Хар газрт йовх хөбчнрин бригадст концертс үзүлхәр белдджанә.

Элстин культури Герин художественн самодеятельностыд орлцдг багъчудин билг-эрдм цаг ирвәс өсәд йовна.  
Л. СЕРГЕЕВА.